

ARLeF: SI CIRIN VOLONTARIS PAR PROMОВI IL FURLAN

A saran un supuart impuartant intes ativitâts di promoziun davueltis de agenzie vie pal 2019. Il bant al è viert ai maiôrs di etàt.

Vie pal 2019, la ARLeF (Agenzie Regjonâl pe Lenghe Furlane) e sarà presinte cul so bancut in cetantis manifestazions par promovî, so redut fra i zovins, la lenghe furlane, distribuint materiâi divulgatîfs, struments pe lenghe e gadgets. Par chest fin, la Agenzie e vûl zovâsi de colaborazion di **volontaris** di destinâ al acet dai visitadôrs, ae distribuzion di materiâi, ae informazion ancje plurilenghâl al public e al supuart logistic.

I volontaris a davuelzaran chestis ativitâts a titul gratuit e a colaboraran a strent cul personâl de ARLeF e dal Sportel Regjonâl pe Lenghe Furlane che al gjestis i events. Ai stes ur ven domandât di ufrî la disponibilîtât a partecipâ a un percors formatîf curt e la presince a une o a plui manifestazions in program: ai 6 e 7 di Avrîl pe Fieste de Patrie dal Friûl (Gurize e Udin); ai 17 di Mai pal festival vicino/lontano; in Mai pe Fieste de Viarte (Cormons); ai 21 di Lui pal Mittelfest (Cividât); ai 22 di Lui pal Folkest (Udin); dai 12 ai 15 di Setembar par Friuli Doc (Udin); pe fin di Setembar par Gusti di Frontiera (Gurize); pe fin di Novembar/prins di Dicembar par Suns Europe (Udin).

A puedin presentâ domande di partecipazion dome i maiôrs di etàt. A varan la precedence i zovins dai 18 ai 40 agns, cun esperience intai rapuarts cul public e cun cognossince di une o plui di chestis lenghis, di là dal talian: furlan, inglês, todesc, sloven.

La ARLeF e ufrîs un bon pal acuist di libris di € 25,00 una tantum, une borse regâl cun materiâi su la lenghe furlane fats e/o promovûts de Agenzie e l'atestât di partecipazion ae ativitât formative e ai events.

Lis domandis di partecipazion (che si puedin discjamâ dal web ae direzion www.arlef.it, seziun "Bants garis e avîs"), compiladis e cu lis zontis domandadis, a van inviadis ae ARLeF, **dentri di lunis al 1ⁿ di Avrîl**, midiant di une di chestis modalitâts: vie PEC: arlef@certgov.fvg.it; vie pueste eletroniche a arlef@regione.fvg.it; cun consegne a man in orari di ufici li de sede de ARLeF, in vie della Prefettura 13, a Udin.

Par altris domandis o informazions, si pues scrivi a arlef@regione.fvg.it, o telefonâ al numar 0432.555812.

Udin, ai 25 di Març dal 2019

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<<<